

Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Item, quod eodem spectat, an detur præceptum referendi omnia Opera in
Deum ex puro motivo Charitatis benevolæ.

urn:nbn:de:hbz:466:1-40873

138 Pars 3. Tract. 1. De Opinionum probabilitate perfectæ , multò minus intelligetur quo pacto amor ille non justificet per se , & extra Sacramentum : atque ita remissio peccati semper amori prævio, nunquam ipsi Sacramento adscribenda erit,

Postquam hæc quæstio non tantum scribentium utrumque calamos, sed etiam pænitentium mentes non parum exagitavit, tandem ad Alexandri VII. Supremum tribunal delata fuit. Vetus ille in suo decreto 5. Maij anno 1667. in virtute S. Obedientiæ , & sub anathemate Sedi Apostolicæ reservato, ne quisquam auderet ulli parti censuram theologicam inurere : nondum tamen de rei summa lata est decretoria sententia. Hic singulas controversiæ partes & rationum utrumque militantium momenta, pro commodo Missionariorum, in lucem proferemus, & quantum licet brevi methodo resoluemus.

S. 2.

An Attritio quæ concipitur ex solo timore gehenna possum excludere voluntatem peccandi, & esse actus bonus, ac supernaturalis ?

Item, quod eodem spectat, An detur præceptum referendi omnia opera in Deum ex puro motivo Charitatis benevolæ.

Docent nonnulli merum illum gchennæ non posse animum cohibere à pravo affectu, quamvis illum retrahere possit ne in peccatum externum prorumpat. Sic sentit Lutherus in disputatione Lipsica Eckio respondens ; nec non scribens adversus Leonis X. articulum 6. Sen-

,tio,

tio, inquit, perniciosum esse genus docendi, quo
intuitu pænarum, præmiorum, peccatorum,
docentur pænitere; his enim doctrinis, coercen-
tur quidem ab opere &c. Nec dissentit Janse-
nius tom. 3. lib. 5. cap. 35. enumerans inter fruc-
tus timoris gehennæ, quod quamvis à peccato
animum non contineat, manū tamen, cæte-
raque coercet membra ne in facta prosiliant.
Existimat quoque Exim. P. Lupus dissertatione
dogmatica pag. 61. timorem servilem à S. Au-
gustino distingui penes fedum animum quo quis à
conspicuis peccatis ob annexi illis mali penalismetum ab-
finet. Nec minus sentire videtur Author Tyro-
cinij tr. 1. cap. 6. &c. Verum etsi doctrina hæc
locum habeat plerumque in timore servili pænae
à judice humano constitutæ, qui solum actus
externos cognoscit & punit, non potest sine
gravis erroris periculo transferri ad timorem ge-
hennæ à Deo pro peccatis etiam internis infli-
gendæ.

Respondeo igitur ad quæstionem, & dico pri-
mò, Necesse non esse ut detestatio peccati ex
metu gehennæ annexam habeat voluntatem
peccandi, sive inefficacem, sive conditionatè ef-
ficacem, si nempe abesset pæna gehennæ.

Probatur primò: Non ignorat pænitens hunc
actum, Peccarem si pæna abesset, à Deo prohibi-
bitum, æternoque supplicio plectendum esse.
Ergo potest ex metu istius pænae excludere
istum affectum internum conditionatè peccan-
di, sicut admittunt adversarij ex timore gehen-
næ cohiberi posse peccatum externum, quod
sepe arduum ac difficile est.

Et verò quis audeat affirmare, quemlibet a-
versantem furtum ex metu patibuli sic esse con-
stitutum, ut actu velit furari, si sola infamia,
aut

340 Pars 3. tract. 1. De Opinionum probabilitate
aut' alia levior multa incurrienda fore? Neque
satis alij ostendent cur detestanti peccatum ex
metu gehennæ potius debeat adesse voluntas
peccandi si pænam non timeret, quam illi, qui
aversatur delictum ex Dei amore, debeat inesse
affectus admittendi flagitium, si actu Deum non
amaret, vel si Deus nullus existeret.

Probatur secundò : Quia si dolor conceptus
ex timore gehennæ sibi necessariò adjunctum
haberet pravum affectum admittendi pecca-
tum, perperam verbi divini præcones, perperam
ipse Christus futura gehennæ supplicia peccato-
ribus intentaret, & ad eorum timorem incita-
ret Matthæi 1. v. 28. Dico vobis, timete eum qui po-
test Corpus & animam perdere in gehennam. Quid e-
nim aliud hoc esset quam homines ad peccatum
invitare, dum impelluntur ad timorem, quo non
possunt per se sine adjuncto flagitio commoveri?

At, inquis, necessarium est ut metus causet
involuntarium faltem secundum quid, circa il-
lud quod ex metu agitur, vel omittitur.

Respondeo, metum efficere secundum quid
involuntarium hoc sensu, quod voluntas minus
propensè feratur in id quod actu amat & ope-
ratur, quam si metus mali per opus incurrendi
non adesset. Ut dum quis, metu mortis à tem-
pestate imminentis, merces quibus navis grava-
mercum jactura facit, ut voluntarium in earum
ejectione minuatur. Eodem modo fit in actu
quo quis peccat, dum pæna ex peccato secutura
animo obversatur: tunc enim actum peccati
nosum elicit minori voluntatis propensione, &
majori cum lucta, quam si animus esset liber à
timore pænæ ex delicto incurrendæ. At verò ad
peccatum fugiendum & detestandum, metus

gehen-

gehennæ potius impellit & invitat, instar concupiscentiæ quæ auget voluntarium; facit enim metus ille ut animus tanto propensius se resoluat ad fugam & detestationem peccati, quam novit necessariam ad pænam evitandam. Multum ergo abest ut merus barathri imminuat voluntatem averſandi peccatum, aut ut annexum habeat affectum peccandi si pæna abeffet, cum homo fidelis non ignoret per hunc pravum affectum ipsam pænam quam metuit, incurram esse.

Unde ulterius patet, illam velleitatem peccandi si possit impunè, (quam supponit Auctor Tyrocinij in casu permanere) non majorem habere connexionem cum odio peccati ex timore gehennæ, quam habeat voluntas furandi cum pæna patibuli à Judice intentata: tantum antem abest ut patibulum ad furtæ invitet, ut fassuri sint ipsi latrones, nunquam se magis sentire affectum à scelere alienum, quam dum patibulum oculis obversatur.

Quod si illa vis insit timori, ut possit esse à pravo affectu sejunctus, quinimo voluntatem ab eo immunem reddere, sine fundamento solidio statuit idem Auctor tr. i. c. 6. ea quæ ex solo metu fiunt non bene fieri. Nec juvat quod existimet pravum hujusmodi affectum non oriri ex ipso timore, sed ex concupiscentia illi adjuncta, quæ nequeat sine charitate superari, ostendit enim non potest cur timor ille non possit esse a deo intensus & efficax, ut voluntatem per se cohipeat quo minus concupiscentiæ obsecundet, ut magis ex sequentibus patescat.

Dico igitur secundò, dari potest fuga aut metus gehennæ tam perfectus, ut per se, & positivè omnem peccandi voluntatem excludat.

Pro-

Probatur ex Tridentino sess. 14. cap. 4. Illam verò Attritionem, quoniam ex geheuna metu communiter concipitur, si voluntatem peccandi excludat &c. declarat donum esse Dei, additquæ infra, & ad gratiam disponere in Sacramento pen. impetrandam. Dum afferit Concilium, attritionem illam, si voluntatem peccandi excludat, ad gratiam in Sacramento percipiendam disponere, apertè supponit dari posse attritionem quæ istam voluntatem excludat; alias pro dispositione ad gratiam ridiculè nobis assignaret attritionem quandam quæ in rerum natura non reperitur. Nec minus ridiculè damnaret Lutheri de attritione sententiam, quæ tantum falsa fuisset in casu impossibili, scilicet in casu quo voluntatem peccandi excluderet, quam tamen censeret nunquam per attritionem excludi. Quin & eādem ratione dicam, veram esse hanc sententiam Scripturæ; si volueris servare mandata servabunt te, et si simul sustineam, impossibile esse homini servare aliquid mandatum sine statu gratiæ.

Mentem suam rursus exponit Concilium sess. 6. can. 8. cum ait, per Gehennæ metum nos à peccando abstinere. Neque dicas intelligi metum amori adjunctum: agitur enim de metu qui dilectionem antecedit, nam illum eundem metum cap. 6. docet sternere viam ad spem, & charitatem. Multò minus verba illa detorqueas ad abstinentiam à peccatis externis, nisi velis eadem licentiâ, propositum non peccandi de cetero, ad peccata tantum externa non admittenda restringere, quod nullus sanæ doctrinæ cultor admittet.

Eadem est S. Augustini (quem Adversarij sibi Patronum frustra vindicant) de hoc puncto mens & sententia, tum alibi sæpe, tum disserit in

in Psalmum 127. ubi agens de verme qui non moritur, & igne qui non extinguitur, subdit: Audiuimus hæc homines, & quia vera futura sunt impiis, timent & continent se à peccato. Habent timorem, & per timorem continent se à peccato. Timent quidem sed non amant justitiam: cum autem per timorem continent se à peccato, fit consuetudo justitiae. Hic aliud effugium non invenerit Lutherus, quam ut rursus ad peccata externa recurrat. Idem sentit & Theologus recentior. At dissentit ipse Augustinus, qui per peccatum verum & pénal dignum, non externum, sed internum intelligi cupit Sermone 19. de verbis Apostoli: *Deus cor interrogat, non manum.* Externū igitur & peregrinum est sensui S. Doctoris, quod existimaverit Timorem à peccatis tantum externis, non verò ab internis coercere.

Ex his quæ hactenus diximus de Timore pænæ à Deo infligendæ, simul constat, Non dari præceptum referendi omnia opera in Deum ex motivo Charitatis. Eadem enim est ratio de actibus aliarum virtutum quæ ex solo motivo proprio honestatis exercentur, ut Speci, justitiae, misericordiae &c. quos actus etiam per se honestos esse sequens assertio docebit.

Dico ulterius tertio. Timor gehennæ, & inde conceptus dolor peccati, est actus per se honestus, & supernaturalis. Negavit hanc assertionem Lutherus, tum quia sensit omnem actum liberi arbitrij sine charitate peccatum esse, tum quia de dolore ex solo metu gehennæ expressè docuit, illum facere hominem hypocritam & magis peccatorem. Docet etiam Jansenius timorem illum, culpæ obnoxium esse, si voluntas in eo sistat. Quamvis enim Tom. 3. lib. 5. cap. 21. in titulo dicat timorem gehennæ secun-

144 Pars 3. tract. 1. De Opinionum probabilitate
secundum se bonum esse , sic tamen se explicat
ut velit malum esse si in Deum actu per amo-
rem non referatur. Si quis, inquit , in pæna fu-
gienda velut in termino hæreat , per quam
, tanquam viam transire debuisset , non illa ti-
, moris , sed timoris culpa est., Hujus sensum
exprimere voluisse videtur Author Tyrocinii
tract. 1. pag. 179. ubi tradit timorem quidem
bonum , sed eum qui serviliter timet malum es-
se. Quia , inquit , non ideo ille malus est quia
, vehementer timet pænam , sed quia non vehe-
mentius timet culpam ; quod autem non vehe-
, mentius timeat culpam non oritur ex timore
, pænæ , sed ex defectu charitatis , qui defectus
, non timori , sed timenti imputandus est.. Quid
aliud volunt hæc verba quam timorem , sine
charitate , tanquam socium individuum secum
trahere peccatum ? aut quam ratione timorem il-
lum bonum nuncupabis , qui talis est , ut nun-
quam possit per se sumptus benè & honestè e-
lici , aut se solo hominem rectè agentem deno-
minare ?

Contra hos probatur thesis primò , ex Tri-
dentino sess. 6. can. 8. Si quis dixerit gehennæ
metum per quem ad misericordiam Dei de pec-
catis dolendo confugimus , vel à peccando ab-
stinemus peccatum esse , anathema sit. Hunc
autem Verum & utilem esse dolorem sess. 14. can. 5.
disertè definit. Quid autem est actum aliquem
esse bonum & honestum , quam quod verus sit
& utilis ad salutem. Unde & ulterius conficies
dolorem ex metu gehennæ , dum voluntatem
peccandi excludit , actum esse supernaturalem ,
cum à Trid. sess. 14. cap. 4. dicatur etiam esse
donum Dei , & Spiritus Sancti impulsus.

Probatur secundò , ex mente S. Augustini
dilucide

, dilucidè expressa Enarrat in Spalnum 127. Timore facit quidquid boni facit, non timore amittendi bonum illud, sed timore patienti illud malum: non timet ne perdat amplexus pulcherissimi sponsi, sed timet ne mittatur in gehennam, bonus est & iste timor, utilis est.

Et verò argumentum ab ipso rationis lumine petitum demonstrat, maxime consentaneum esse naturæ rationali, à se amoliri æternum ac summum malum, quod per solam Dei offensam incurritur, & ad illud evitandum Dei offensam aversari, et si actus ille hic & nunc abstrahat ab alio motivo perfectiori.

Nec obstar, quod talis peccati fuga pro sine habeat amorem & commodum proprium, dari enim potest amor sui bonus & ordinatus, ad quem Deus ipse nos hortatur Eccl. 30. Miserere animæ tue, placens Deo. Monet quoque frequenter ut intuitu præmij caelestis operemur, quamvis & hoc ad amorem & bonum proprium referatur: ut Matthæi 6. Primum quarite regnum Dei, & justitiam ejus. Et 1. ad Corinth. 9. Omnis autem qui in agone contendit ab omnibus se abstinet, & illi qui dem ut corruptibilem coronam accipiant, nos autem incorruptam. Atque ad hunc finem in observanda Dei lege se respexisse profitetur regius Propheta Psalmo 118. Inclinavi cor meum ad faciendum justifications tuas, propter retributionem. Nec refert quod Scriptura sæpe moneat, ut omnia opera ad Dei gloriam referamus; hortando enim ut connitatur ad motivum perfectissimum, non negat dari alium finem in suo gradu laudabilem & perfectum.

Hæc haud dubiè facile perspiciunt adversarij. Sed unum est quod speciosè obtendunt, unum quod perpetuò ingeminant: Tutiora semper, Tom. II.

146 Pars 3. tract. I. De Opinionum probabilitate
tutiora esse sequenda; tutissimam verò esse do-
ctrinam, quæ statuit, vi præcepti omnia opera
ex pura Charitate in Deum referenda.

Respondeo ego, Multò tutius esse non errare,
& doctrinam eam aliis non prædicare, persuas-
endo toties admitti novum peccatum, quoties
opera in Deum non referuntur ex puro charita-
tis motivo, plerisque hominum maximè arduo
ac diffici: Suadenda omnino est charitas, sed
minimè suadendus est error, ex quo cum per-
nicie animarum toties peccetur, quoties in ope-
rando charitas omittitur. Quæro enim, si prædi-
actum Charitatis perfectissimæ non requirunt
adversarij? Hæc certè charitas operis bonitatem
multò reddit securiorem. Aio igitur Pheologo
inquirendum, non quid tutius, sed verius. Reti-
rum temporum controversiæ, de attritione in
Sacramento, de absolutione differenda, de usu
probabilitatis, & aliis, in quibus pro vulgari ar-
gumento fallax securitatis species assumitur. Sic
in simili respondet doctissimus Navartus verbo
Confessio num. 3. q. 2. Licet sit tutius statim (ha-
bitâ oportunitate) confiteri, quam differre, non
viri timorati haberent maximæ occasionses pec-
candi. Sic quoque S. Ambrosius in Psalmum
118. octon. 5. v. 6. *Sunt, inquit, etiam in nobis*
qui habent timorem Dei, sed non secundum scientiam,
statuentes duriora præcepta, qua non possint humana
conditio sustinere.

Denique maximè tutum & necessarium est,
necessitatem charitatis non extendere ultra li-
mites Apostolicæ autoritatis: damnavit autem
Apostolico diplomate Pius V. & Greg. XIII. inter
Articu-

Articulos Michaelis Bay hunc art. 16. Non est vera legis obedientia que fit sine charitate. Et art. 38. Omnis amor creature rationalis aut vitiosa est cupiditas quam mundus diligitur, aut laudabilis illa charitas quam per Spiritum Sanctum in corde diffusa Deus amat. Hic autem Bayum non intellexisse solam charitatem perfectam, satis apertum est ipsum legenti lib. 2. de peccat. meritis cap. 1. Neque effugium quæras, existimando aliquas Baij propositiones sustineri posse in proprio verborum sensu ab authore intento. Hanc enim vanam esse Bullæ Pontificiæ interpretationem, pridem commonstravit Urbanus VIII. per illius exemplar commissari controverso distinctè notatum, & Deputatis Lovaniensium Romæ in manus confignatum anno 1644.

*Declaratur ulterius ex predictis, Non dari præcep-
tum omnem actionem deliberatam referendi in
Deum ex motivo charitatis benevolæ.*

Primò, Quia jam ostensum est, dolere de peccato, vel ab eo abstinere tantum ex motivo timoris gehennæ non esse peccaminosum, sive cum peccato semper connexum. Atqui idem à fortiori valet in iis quæ fiunt ex motivo fidei divinæ, spei beatitudinis, charitatis proximi, justitiae, misericordiæ &c. in illis sistendo, quod alij peccaminosum esse volunt. Ergo si rationes allatae pro timore gehennæ vim habeant, idem probabunt de aliis actionibus jam commemora- tis absque relatione in Deum propter se dilec- tum.

2. Idem satis aperte conficiunt decreta Pon-
tificium, qui generalius doctrinam oppositam
G 2 repro-